

یوہ آکا شوانی جموں ہے محمد اشفاق تے نصرت چوہدری تیں خبر سُنو۔

HEADLINES

- ۱۔ وزیر دفاع راج ناتھ سنگھ نے پاکستان نانہہ سر کریک غا علاقہ مانہہ کسی وی مہم جوئی ور فیصلہ کُن جواب دین گی ہدایت کی ہے۔
- ۲۔ صدر جمہوریہ درویدی مرمو تے وزیر اعظم نریندر مودی نے وجے دشمی گا تہوار ور قوم نانہہ مبارک باد پیش کی ہے۔
- ۳۔ قبائلی امور غا وزیر جاوید احمد رانا نے کہیو جے قبائلی اقدار گا تحفظ تیاس گافروغ بارے رل غے کم کرن گی لوڑ ہے۔
- ۴۔ قوم اج مہاتما گاندھی تے لعل بہادر شاستری نانہہ اُن گا پیدائشی تہاڑا ور خراج عقیدت پیش کر رہی ہے۔
- ۵۔ لیفٹیننٹ گورنر منوج سنہا نے عوام تیں اپیل کی ہے جے وے سودیشی چیزاں نانہہ اپناویں تے اپنی مدد آپ گروپ تے نکه کاروباریاں غا تیار کردہ مصنوعات نانہہ خریدیں۔

RAJNATH SINGH

وزیر دفاع راج ناتھ سنگھ نے اج پاکستان انہہ بڑی سختی نال کہیو ہے جے سر کریک علاقہ مانہہ کسی وی مہم جوئی گو فیصلہ کُن جواب دتو جے گو وے اج بھوج ملٹری سٹیشن مانہہ شاستر پوجن گی تقریب سنگھ خطاب کرتا واں بول رہیا تھا اُنہاں نے کہیو جے پاکستان لہد توں سر کریک تک بھارت گا دفاعی نظام مانہہ مداخلت کرن مانہہ ناکام رہیو ہے اس توں یوہ پتو چلے جے بھارت نے پاکستان نانہہ اپریشن سندور گے دوران پوری طرح بے نقاب کیو ہے تے پوری دنیا نانہہ یوہ پیغام دتو جے بھارت جت چلوے پاکستان نانہہ بھاری نقصان پُجا سکے۔ وزیر دفاع نے اج بھوج فوجی سٹیشن ور ایک تقریب غے دوران فوجیاں سنگ دوپہر گو کھاناں کھان توں بعد اپریشن سندور مانہہ اہم کردار ادا کرن آلا فوجیاں نانہہ اعزاز توں وی نوازیو واضع رہے جے اج وزیر دفاع نے نکی نالہ مانہہ شاستر پوجا تقریب مانہہ حصولیو تے حفاظتی مشق گو مشاہدو کرنوں تھو لیکن خراب موسم گے پیش نظر اس پروگرام نانہہ ملتوی کردتو گیو ہے۔

VIJAY DASHMI

وجے دشمی یعنی دشبرہ غو تہوار اج پورا ملک مانہہ مزہبی جوش وجزہ سنگ منایو جارہیو ہے یوہ تہوار برائی ور اچھائی غی فتح غا طور ور نورارتی تے درگا پوجا گا اختتام ور منایو جائے یوہ تہوار رام چندر جی غی لاون ور فتح غو مظہرو ہے صدر جمہوریہ درویدی مرمو تے وزیر اعظم نریندر مودی نے دشبرہ گا موقع ور لوکاں نانہہ مبارک دتی ہے۔

RSS

آر ایس ایس غا سربراہ ڈاکٹر موہن بھاگوت نے کہیو کہ ہم نانہہ اتم نرہیر بنون وے گو سودیشی تے کود انحصاری غو کوئی متبادل نہیں مگر بین العوامی تعلقات وی ضروری ہیں وجے دشمی تے 100 سال غا جشن غا موقعور ناگ پور گا ریشم بھاگ تیں اُنہاں نے خطاب کیو تے اس موقع ور سابق صدر رام ناتھ کووند مہمان خصوصی غا طور ور اُت موجود تھا پہلگام حملہ تیں بعد ملک غی قیادت فوج غی بہادری تے عوام غا اتحاد غی تعریف کی پڑوسی حالات ماحول غا تحفظ ثقافتی یکجہتی تے بھارت گا فلسفہ نظریہ ور اُنہاں نے زور دتو۔

SHASTRA PUJA

آر ایس ایس غا کارگنن نے وجے دشمی غا موقع ور شیو نگر غا بزرگ شہریاں گا کلب مانہہ شاستر پوجا مانہہ حصولیویاہ تقریب آر ایس ایس غا 100 سال مکمل ہون غی یاد مانہہ منائی گئی۔ نگر سنگھ چالک ادھمپور شری کرشن ناگر نے کہیو اج یوہ پروگرام ادھمپور شہر غا 13 مقامات ور منعقد ہوا ہیں۔ تے یوہ سنگھ غی وردی مانہہ منعقد ہو وے اس مانہہ کارگن اپنا گھر آلاں غے نال شرکت ہوا۔ اس بارے گل کرتا واں ناگر سنگھ چالک ادھمپور شری کرشن ناگر نے اس طرح کہیو۔

RANA

قبائلی امور گا وزیر جاوید احمد رانا نے زور دیتا واں کہیو جے قبائلی اقدار گا تحفظ تے اسے گا فروغ گی ضرورت ہے تے ترقی ایسی ہونی چاہیے جہڑی ثقافت گا زوال گی وجہ نہ بنیں۔ میندر چونچہ ایک قبائلی میلا سنگ خطاب کرتا واں اُنہاں نے کہیو جے ترقی متوازن طریقہ کار سنگ ہونی چاہیے جہڑی روایات گو احترام کرے تے کود کفیل قبائلی معاشرہ نانہہ تشکیل دے اس موقع

ور روایائی دوائی بنان آلا پیڑ پوداں گی نمائش وی کی گئی تانجے روایتی طبی علم نانہہ اُجاگر کیو جاسکے تے عوام واسطے اک مفت میڈیکل کیمپ گو وی انعقاد کیو گیو-واضع رہ جے یاہ تقریب حکومت گا اُس عزم گی عکاسی کرے جہڑو ترقیاتی پالیسی تے ثقافتی شناخت نانہہ برقرار رکھ رہیو بے واضع رہ جے اس تقریب مانہہ ضلع افسراں تے بڑی تعداد مانہہ مقامی افراد وی شریک تھا۔

GANDHI JAYANTI

اج قوم راشٹرپتا مہاتما گاندھی نانہہ اُن گا156واں جنم تہاڑھ غا موقع ور خراج عقیدت پیش کر رہی ہے اس سلسلہ مانہہ ملک غا بکھ بکھ حصاں تے بیرون ممالک بھارتی سفار تھاناں مانہہ تقریب منعقد کی جارہی ہے اج غے روز ہی قوم سابق وزیر اعظم آنجہانی لال بہادر شاستری نانہہ وی اُن گا جنم تہاڑھ گا موقع ور یار کر رہی ہے۔ صدر جمہوریہ دروپدی مرمو نے گاندھی جینتی غا موقعور جاری کیا گیا اپنا اک پیغام مانہہ کہیو ہے جے یوہ موقعو ہے جے ہم اپنا آپ نانہہ راشٹرپتا مہاتما گاندھی غا افکار تے اقدار غے تئیں وقف کران۔اواں وزیر اعظم نریندر مودی نے اپنی اک سماجی میڈیا پوسٹمانہہ مہاتما گاندھی نانہہ

خراج عقیدت پیش کیولیفٹینٹ گورنر منوج سنہا تے وزیر اعلیٰ عمر عبداللہ نے وی مہاتما گاندھی نانہہ اُن غا جنم تہاڑھ ور خراج عقیدت پیش کیو ہے مہاتما گاندھی غا جنم تہاڑھ گا موقع ور اج عدم تشدد غو عالمی دن منایو جارہیو ہے۔ واضع رہ جے جون سال2007مانہہ اقوام متحدہ غی جرنل اسمبلی غی طرفوں عدم تشدد نانہہ اک آفاقی اصول بنان تے عالمی سطح ور امن تے برداشت غا جذبہ نانہہ فروغ دین بارے ایک قرار دار منظور کرلی گئی تھی۔ اس قرار دار غی1سو40تیں زیادہ ملکاں نے ہمایت کی تھی۔

LG SWDESHI

کرتاواں کہیو کہ گاندھی جی اصول پورہ انسانیت واسطے تحریک ہے تے معاشرہ غی ذمے داری ہے کہ غیر تشدد سچائی برداشت تے ہمدردی نوجوان نسل مانہہ پیدا کریں اس موقع ور اُنہاں نے کہیو کہ وہ سودیشی نانہہ اپناویں تے اپنی مدد آن گروپ تے نکہ کاروباریاں تیں مصنوعات خریدیں۔

SEVA PARV UDH

ادھمپور پولیس نے گزشتہ روز سیوا پرو شرم دھان غے تحت سوچہ بھارت کلین انڈیا گرین انڈیا مہم مانہہ صفائی مہم غو اہتمام کیو یوہ پروگرام دبار چوک گول مارکٹ ادھمپور مانہہ ہوو پولیس اہلکاراں غے نال مقامی لوک تے ڈکاندار وی شامل تھاسڑکاں تے گلیاں غی صفائی کی گئی کچرو ہٹایو گیو تے ماحول دوست عادت اپنان غی اپیل کی گئی افسراں نے کہیو کہ صفائی صرف ایک دن غی نہیں بلکہ روز مرہ غی عادت ہونی چاہیے جس واسطے سب غی اجتماعی ذمہ داری ہے عوام نے پولیس غی اس پہل نانہہ سہرايو تے شکریو ادا کیو۔ پولیس نے یقین دوايو کہ ایسا اقدامات مستقبل مانہہ وی جاری ریں گا۔ اس بارے مزید گل کرتاواں ڈی ایس پی ادھمپور سریندر سنگھ بلوریہ نے اس طرح کہیو۔

WEATHER

محکمہ موسمیات نے آئیندہ5تے6اکتوبر نانہہ جموں کشمیر غا اُچا پہاڑی علاقان مانہہ اس موسم غی پہلی برف باری غی پیش گوئی کی ہے آکاشواںی جموں غا مہارا نمائندہ نے جانکاری دیتاواں دسیو ہے جے لاہتہ 4 اکتوبر توڑی کتے کتے ہلکی تیں درمیانہ درجہ غی بارشاں گی پیش گوئی کی گئی ہے محکمہ نے اس عرصہ غ دوران حساس علاقان مانہہ پسی پین تے سڑکاں ور آن جان تیں وی خبر دار کیو ہے۔

RBI UPI

آر بی آئی گا گورنر سنجے ملہوترا گو کہنو ہے جے یو پی آئی لین دین ور کوئی وی فیس عائد کرن گی کوئے تجویز نہیں ہے جاتے تہاڑے مالیاتی پالیسی گی پریس کانفرنس مانہہ ایک سوال گو جواب دیتاواں اُنہاں نے کہیو جے یو پی آئی لین دین جس مانہہ نمایاں اضافو ہوو ہے اس ور فیس عائد کرن گی اجاں فل حال کوئی تجویز نہیں ہے۔ اس تیں علاوہ جناب ملہوترا نے کہیو جے ادھار ور خریدیا گیا موبائل فون گی ڈیجیٹل لاکنگ بارے غور و فکر کیو جارہیو ہے۔
